

四庫全書薈要

• 乾隆御覽本

集部

欽定四庫全書薈要

集部

李太白集分類補註卷十二

五



臣王杰詳校

詳校官助教臣常循

李太白集分類補註卷十二

宋 楊齊賢 集註

元 蕭士贇 補註


贈

贈別舍人弟臺卿之江南

去國客行遠還山秋夢長
梧桐落金井一葉飛銀床
覺罷攬明鏡鬢毛颯已霜
良圖委蔓草古貌成枯桑
欲道

心下事時人疑夜光因爲洞庭葉飄落之瀟湘

齊賢曰
荊州記

益陽有金井數百古老傳金人以杖撞地輒成井晉樂志云後園鑿井銀作床金瓶素練汲寒漿淮南子一葉

落而天下知秋

令弟經濟士謫居我何傷潛虬隱尺水著論談

興亡客遇王子喬口傳不死方入洞過天地登真朝玉

皇吾將撫爾背揮手遂翱翔

士贇曰王子喬及不死方事見二卷

醉後贈王歷陽

歷陽

書禿千兔毫詩裁兩牛腰筆蹤起龍虎舞袖拂雲霄雙

歌二胡姬更奏遠清朝舉酒挑朔雪從君不相饒

齊賢曰王

義之贊云雖掃千兔
之翰聚無一毫之筋

贈歷陽褚司馬時此公爲稚子舞故作是詩也

北堂千萬壽侍奉有光輝先同稚子舞更著老萊衣因

爲小兒啼醉倒月下歸人間無此樂此樂世中稀

齊賢曰毛

詩註焉得緩草履於北堂以忘憂也列士傳老
萊子孝養二親著五色綵衣卧地爲小兒啼

對雪醉後贈王歷陽

有身莫犯飛龍鱗有手莫辨猛虎鬚君看昔日汝南市
白頭仙人隱玉壺子猷聞風動窓竹相邀共醉杯中綠

歷陽何異山陰時白雪飛花亂人目君家有酒我何愁
客多樂酣東燭遊謝尚自能鸛鶴舞相如兔脫鸛鶴裘
清晨鼓棹過江去千里相思明月樓
齊賢曰隱玉壺事見前晉王子猷嘗
寄居空宅中便令種竹曰不可一
日無此士贊曰明月樓在江陵郡

贈宣城宇文太守兼呈崔侍御

宣城

白若白鷺鮮清如清唳蟬受氣有本性不爲外物遷飲水
箕山上食雪首陽巔迴車避朝歌掩口去盜泉岩堯廣成
子侗儻魯仲連卓絕二公外丹心無間然
齊賢曰尸子曰孔子過於盜泉

渴矣而不飲惡其名也
也鄒陽曰邑號朝歌

昔攀六龍飛今作百鍊鉛懷恩欲報

主投佩向北燕彎弓綠弦開滿月不憚堅閒騎駿馬獵一

射兩虎穿回旋若流光轉背落雙鳶胡虜三嘆息兼知五

兵權鎗鎗突雲將却掩我之妍多逢勦絕兒先著祖生鞭

據鞍空矍鑠壯志竟誰宣

齊賢曰晉劉琨曰常恐祖生先吾著鞭東漢馬援被甲上馬據鞍

顧盼以示可用光武笑曰矍鑠哉是翁也

蹉跎復來歸憂恨坐相煎無風難破

浪失計長江邊危苦惜顏光金波忽三圓時遊敬亭上閒

聽松風眠或弄宛溪月虛舟信汨沿顏公二十萬盡付酒

家錢興發每取之聊向醉中仙過此無一事靜談秋水篇

齊賢曰陶潛傳淵明義熙末徵爲著作佐郎不就顏延之留
二萬錢與潛潛悉送酒家稍就取酒太白與賀知章李適
之崔宗之等爲酒八仙故杜甫
有飲中八仙歌莊子有秋水篇君從九卿來水國有豐年

魚鹽滿市井布帛如雲烟下馬不作威冰壺照清川霜眉

邑中叟皆美太守賢時時慰風俗往往出東田竹馬數小

兒拜迎白鹿前含笑問使君日晚可迴旋遂歸池上酌掩

抑清風絃齊賢曰郭伋行部到西河有兒童
數百各騎竹馬於道路次迎拜曾標橫浮雲

下撫謝朓肩樓高碧海出樹古青蘿懸光祿紫霞杯伊昔

丞相傳良圖掃沙漠別夢繞旌旃富貴日成疎願言杳

無緣登龍有直道倚玉阻芳筵敢獻繞朝策思同郭泰

船何言一水淺似隔九重天

齊賢曰謝朓字玄暉據文選所載嘗爲宣城守故宣

城有謝朓樓其遊東田等詩皆宣城作應劭曰沙幕匈奴之南界東漢書李膺以聲名自高士有被其容接者名爲登龍門魏志魏明帝使后弟毛曾與夏侯玄共坐時人謂兼葭倚玉樹左傳士會歸繞朝贈之以策東漢書郭泰字林宗自洛陽歸諸儒送至河上林宗唯與李膺同舟而濟衆賓望之以爲神仙崔生何傲

岸縱酒復談玄身爲名公子英才苦迤邐鳴鳳托高梧

凌風何翩翩安知慕羣客彈劍拂秋蓮

齊賢曰崔生崔侍御也易屯如

遭如士賈曰縱酒者放意而飲酒也

贈宣城趙太守悅

趙得寶符盛山河功業存三千堂上客出入擁平原六

國揚清風英聲何喧喧

齊賢曰史趙簡子召諸子告之曰吾藏寶符於常山上先得者

賞諸子馳之常山上求無所得毋卹還曰已得符矣簡

子曰奏之母卹曰從常山上臨代代可取也簡子知母

卹賢以爲太子簡子卒毋卹立是爲襄子襄子姊爲代

王夫人襄子乃北登夏臺請代王使厨人操銅料擊殺

之遂興兵平代地至惠文王弟勝最賢喜賓客賓客至數

千人相惠文王及孝成王封於東武城號平原君六國齊

楚燕趙韓魏也

大賢茂遠業虎竹光南藩錯落千丈松虬龍盤

古根枝下無俗草所植唯蘭蓀憶在南陽時始承國士

思公爲柱下史脫繡歸田園伊昔簪白筆幽都逐遊魂

持斧冠三軍霜清天北門差池宰兩邑鶚立重飛翻焚

香入蘭臺起草多方言夔龍一顧重矯翼凌翔鵠赤縣揚

雷聲彊項聞至尊驚飈頽秀水跡屈道彌敦

齊賢曰簪白筆事見

前卷暴勝之爲直指使者衣繡衣持斧逐捕盜賊督課

郡國郡衍曰中國名曰赤縣神州後世以指輦轂下縣

董宣爲洛陽令湖陽公主蒼頭白日殺人宣叱奴下車

殺之主訴帝帝召宣令謝主宣不從強使頽之宣兩手

據地終不肯俯光出牧歷三郡所居猛獸奔遷人同衛

武因救強項令出

鶴謬上懿公軒自笑東郭履側慙孤白溫閒吟步竹石
精義忘朝昏顛顚成醜士風雲何足論獼猴騎土牛羸
馬夾雙轅願借羲和景爲人照覆盆溟海不振蕩何由

縱鵬鯤所期要津日倜儻假騰翥

齊賢曰猛獸虎也宋均爲九江守虎東渡

江左傳衛懿公好鶴鶴有乘軒者東郭先生久待詔公車貧困行雪中履有上無下足盡踏地人皆笑之

贈從弟宣州長史昭

淮南望江南千里碧山對我行倦過之半落青天外宗
英佐雄郡水陸相控帶長川豁中流千里瀉吳會君心

亦如此包納無小大

齊賢曰唐志淮南道古揚州之域士贇曰漢書序贊河間爲漢宗英

搖筆起風霜推誠結仁愛訟庭垂桃李賓館羅軒蓋何
意蒼梧雲飄然忽相會才將聖不偶命與時俱背獨立
山海間空老聖明代知音不易得撫劍增感慨當結九
萬期中途莫先退

於五松山贈南陵常贊府

爲草當作蘭爲木當作松蘭幽香風遠松寒不改容松
蘭相因依蕭艾徒丰茸雞與雞並食鸞與鸞同枝揀珠

去沙礫但有珠相隨

齊賢曰水經零陵郡都梁縣西小山上有停水其中生蘭草綠葉

紫莖澤蘭如薄荷微香荆湘嶺南人家多種之與蘭草大抵相類顏師古以蘭爲澤蘭非也郭璞曰丰容也蒼頡

篇草貌遠客投名賢真堪寫懷抱若惜方寸心待誰可傾

倒虞卿棄趙相便與魏齊行海上五百人同日死田橫

當時不好賢豈傳千古名願君同心人於我少留情寂

寂還寂寂出門迷所適長鋏歸來平秋風思歸客

齊賢曰史

記范雎事魏中大夫須賈使齊齊襄王聞雎辯口賜之金須賈怒以雎持魏陰事告齊故得歸歸以告魏相齊使笞擊折脇摺齒雎佯死即卷以篋賓客飲者醉更溺雎從篋中得出更姓名曰張祿隨王稽入秦上書昭王

言太后穰侯昭王大懼廢太后逐穰侯拜雎為相魏使須賈使秦雎坐賈堂下曰為我告魏王急持魏齊頭來不然我且屠大梁魏齊恐走趙匿平原君家昭王聞為書遺平原君願與君為十日之飲平原君入秦昭王乃遣趙王書曰范君之仇魏齊在平原君家王使人疾持其頭來不然吾伐趙又不出王之弟於闕趙王發卒圍平原君家急齊夜奔出見趙相虞卿虞卿乃解相印與齊走大梁欲因信陵君以走楚信陵畏秦猶豫未決齊怒自剄趙王卒取其頭予秦虞卿困於梁不得意乃著書世傳之曰虞氏春秋漢滅項籍田橫懼與其徒屬五百人入海居島中高祖赦橫罪而召之橫與客二人乘傳詣洛陽自剄令客捧其頭從使者奏之高祖為流涕拜客為都尉橫既葬二客穿塚旁皆自剄從之帝以橫之客皆賢者聞其餘五百人在海中使使召至聞橫死皆自殺馮驩見孟嘗君君置于舍彈其劍而歌曰長鋏歸來乎食無魚晉張翰因秋風起思歸

自梁園至敬亭山見會公談陵陽山水兼期同

遊因有此贈

宣州

我隨秋風來瑤草恐衰歇中途寡名山安得弄雲月渡

江如昨日黃葉向人飛敬亭慙素尚弭

解也

棹流清輝

齊賢

曰山海經姑瑤之山帝女死焉名曰女尸化為瑤草其花黃其實如兔絲服者媚於人唐志宣州宣城縣有敬

亭山冰谷明且秀陵巒抱江城粲粲吳與史衣冠耀天京

水國饒英奇潛光卧幽草會公真名僧所在即爲寶開

堂振白拂高論橫青雲雪山掃粉壁墨客多新文爲余

話幽棲且述陵陽美天開白龍潭月映清秋水黃山望
石柱突兀誰開張黃鶴久不來子安在蒼茫東南焉可
窮山鳥飛絕處稠疊千萬峯相連入雲去

齊賢曰九域志陵陽山在

宣州仙傳寶子明棄官學道釣得白龍放之於此因名
白龍潭後五年龍來迎子明上居陵陽山至百餘年乃
得仙子安仙人也來就子明二十年一旦忽死葬山下
常有黃鶴栖其園上鳴云子安子安士賢曰任彦升撰
王儉文集序司徒袁粲有高世之度脫落塵俗
見公弱齡更望風推服歎曰衣冠禮樂在是矣聞此期
振策歸來空閉關相思如明月可望不可攀何當移白
足早晚凌蒼山且寄一書札令予解愁顏

贈友人三首

蘭生不當戶別是閒庭草
夙被霜露欺紅榮已先老
謬接瑤華枝結根君王池
顧無馨香美叨沐清風吹
餘芳若可佩卒歲長相隨

其二

袖中趙匕首買自徐夫人
玉匣閉霜雪經無復歷秦
其事竟不捷淪落歸沙塵
持此願投贈與君同急難
荆卿一去後壯士多摧殘
長號易水上爲我揚波瀾
鑿井當及

泉張帆當濟川
廉夫唯重義
駿馬不勞鞭
人生貴相知
何必金與錢

其三

慢世薄功業
非無胸中畫
謔浪萬古賢
以爲兒童劇
立產如廣費
匡君懷長策
但苦北山寒
誰知道南宅
歲酒上逐風
霜鬢兩邊白

齊賢曰毛詩謔浪笑傲周瑜與孫策同年同居舒瑜推道南大宅與

策蜀主思孔明
晉家望安石
時來列五鼎
談笑期一擲
虎伏避胡塵
漁歌遊海濱
樊裘恥妻嫂
長劔託交親
夫

子東家義厚公難與鄰莫持西江水空許東溟臣他日

青雲去黃金報主人

齊賢曰先主三顧孔明於草廬之中胡關侯等曰孤之有孔明猶魚

之有水也謝安石盤桓東山王導云安石不起將如蒼生何劉毅携蒲一擲百萬太公起海濱即三公蘇秦說秦王不聽囊弊金盡而歸妻嫂笑之後富貴以百金徧報諸常見德者莊子曰昨來中道轍中鮒魚呼曰我東海之波臣君豈有斗升之水活我哉周曰我且見楚王激西江之水而迎子鮒魚忿然作色曰我無所處欲得斗升之水求活君乃言此曾不如早索我於枯魚之肆

陳情贈友人

延陵有寶劔價重千黃金觀風歷上國暗許故人深歸

來挂墳松萬古知其心懦夫感達節壯士激青衿鮑生
薦夷吾一舉置齊相斯人無良朋豈有青雲望臨財不
苟取推分固辭讓後世稱其賢英風邈難尚論交但若
此有道孰云喪

齊賢曰史記管
鮑事見前卷

多君騁逸藻掩映當時

人舒文振頽波秉德冠彛倫卜居乃此地共井爲比鄰
清琴弄雲月美酒娛冬春薄德中見捐忽之如遺塵英

豪未豹變自古多艱辛他人縱以疎君意宜獨親

齊賢曰周

制九夫爲井四井爲
邑則八家共一井

柰何成離居相去復幾許飄風吹

雲霓蔽目不得語投珠冀相報
按劍恐相距所思採芳蘭
欲贈隔荆渚沈憂心若醉
積恨淚如雨願假東壁輝
餘光照貧女

齊賢曰飄風以興邪惡之衆雲霓惡氣喻佞人

贈從弟冽

楚人不識鳳重價求山雞獻主
昔云是今來方覺迷自居漆園
地久別咸陽西風飄落日去節
變流鶯啼桃李寒未開幽關豈
來蹊逢君發花萼若與青雲齊
及此桑葉綠春蠶起中閨日出
布穀鳴田家擁鋤犂顧余乏尺

土東作誰相攜

齊賢曰楚人指雒爲鳳事見前漆園在宛句縣北十七里古屬蒙縣

傳說

降霖雨公輸造雲梯羌戎事未息君子悲塗泥報國有
長策成功羞執珪無由謁明主杖策還蓬萊他年爾相
訪知我在磻溪

贈問丘處士

賢人有素業乃在沙塘陂竹影掃秋月荷花落古池閒
讀山海經散帙卧遙帷且耽田家樂遂曠林中期野酌
勸芳酒園蔬烹露葵如能樹桃李爲我結茅茨

齊賢曰說文帙

書衣林中期如竹林七賢之類士贊曰郭璞注山海經二十三卷又撰山海經圖贊二卷

贈錢徵君少陽

一作送趙雲卿

白玉一杯酒緣楊三月時春風餘幾日兩鬢各成絲東
燭唯須飲投竿也未遲如逢渭水獵猶可帝王師

齊賢曰少

陽年八十餘故方之太公

贈宣州靈源寺仲濬公

敬亭白雲氣秀色連蒼梧下映雙溪水如天落鏡湖此
中積龍象獨許濬公殊風韻逸江左文章動海隅觀心

同水月解領得明珠今日逢支遁高談出有無

齊賢曰宣州宣

城縣南敬亭山歸藏啓筮曰白雲氣自蒼梧鏡湖在越州制度論曰龍行水中力大象行陸中力大故以負荷大法者以比之寶積經云勝現王如來入善澤長者大城乞食夫苾芻僧左右翼從修攝諸根如大龍象支遁字道林其妙觀章云色之性也不自有色色不自有雖色而空故曰色即爲空色復異空論成示王坦之坦之都無言支曰嘿而識之乎王曰既無文殊誰能見賞

贈僧朝美

水客凌洪波長鯨湧溟海百川隨龍舟噓吸竟安在中
有不死者探得明月珠高價傾宇宙餘輝照江湖苞卷

金縷褐蕭然若空無誰人識此寶竊笑有狂夫了心何

言說各勉黃金軀

士贇曰按維摩詰經曰當知一切煩惱爲如來種歷不下大海不能得無

價寶珠不入煩惱大海則不能得一切智寶此篇主意全是隱括此經

贈僧行融

梁有湯惠休常從鮑照遊峨眉史懷一獨映陳公出卓
絕二道人結交鳳與麟行融亦俊發吾知有英骨海若
不隱珠驪龍吐明月大海乘虛舟隨波任安流賦詩旃
檀閣縱酒鸚鵡洲待我適東越相攜上白樓

齊賢曰沈約宋書曰

沙門惠休善屬文世祖命使還俗姓湯位至揚州從事
史懷一陳公未詳莊子海若海神名又曰千金之珠在
驪龍頷下世說
白樓亭在山陰

贈黃山胡公求白鵬并序

聞黃山胡公有雙白鵬蓋是家雞所伏自小馴狎
了無驚猜以其名呼之皆就掌取食然此鳥耿介
尤難畜之余平生酷好竟莫能致而胡公輟贈於
我唯求一詩聞之欣然適會宿意因援筆三呌文
不加點以贈之

請以雙白璧買君雙白鷗
白鷗白如錦白雪恥容顏
照影玉潭裏刷毛琪樹間
夜棲寒月靜朝步落花閒
我願得此鳥翫之坐碧山
胡公能輟贈籠寄野人還

登敬亭山南望懷古贈竇主簿

敬亭一迴首目盡天南端
仙者五六人常聞此遊盤
谿流琴高水石聳麻姑壇
白龍降陵陽黃鶴呼子安
羽化騎日月雲行翼鴛鸞
下視宇宙間四溟皆波瀾
決絕目下事從之復何難
百歲落半途前期浩漫漫
強食不成

味清晨起長嘆願隨子明去鍊火燒金丹

齊賢曰列仙傳琴高趙人

以鼓琴爲永康王舍人溪游冀州三百餘年後入碭水中乘赤鯉魚來出泊一月復入水去花姑山亦謂之麻姑山昔麻姑修道於此上昇有仙壇陵陽賓子明及子安事見十一卷註士贇曰晉書許邁少恬靜採藥斷穀入臨安西山改名玄字遠遊莫測所終好道者皆謂之羽化矣

經亂後將避地剡中留贈崔宣城

雙鵝飛洛陽五馬渡江徼何意上東門胡雛更長嘯中原走豺虎烈火焚宗廟太白晝經天頽陽掩餘照王城皆蕩覆世路成奔峭四海望長安嚔眉寡西笑蒼生疑

落葉白骨空相弔連兵似雪山破敵誰能料

齊賢曰晉五行志永

嘉元年洛陽忠廣里地陷有蒼白二鵠飛出蒼者冲天此羽虫之孽白者金色國之祥也蒼爲胡象其可盡言乎大安中童謡曰五馬遊渡江一馬化爲龍後中原大亂宗藩多絕唯瑯琊汝南西陽南頓彭城同至江東而元帝嗣統石勒上黨武鄉羯人年十四隨邑人行販洛陽倚嘯上東門王衍見而異之謂左右曰向者胡雖吾觀其聲視有奇志恐將爲天下患馳遣收之會勒已去安祿山入奏氣驕蹇張九齡謂裴光庭曰亂幽州者此胡雖也狼子野心有逆相請即事誅之以絕後患帝曰卿無以王衍知石勒而害忠良卒不用天寶十四載十一月祿山反陷洛陽明年陷長安唐志開元十四年十月甲寅太白晝見至德二載十一月己酉太白晝見經天至于十一月戊午不見

我垂北溟翼且學南山豹崔子

歷秦周楚鄭宋燕之分

賢主人歡娛每相召胡床紫玉笛却坐青雲叫楊花滿
州城置酒同臨眺忽思剡溪去水石遠清妙雪晝天地
明風開湖山貌悶爲洛生詠醉發吳越調赤霞動金光
日足森海嶠獨散萬古意閒垂一溪釣猿近天上啼人
移月邊棹無以墨綬苦來求丹砂要華髮長折腰將貽
陶公誚齊賢曰桓伊善笛王徽之相逢江次請爲一弄
伊已貴顯聞徽之名便據胡床三弄而去梁州
記咸寧中盜掘張駿
塚得白玉笛紫玉簫

獻從叔當塗宰陽冰

當塗

金鏡霾六國亡新亂天經焉知高光起自有羽翼生蕭

曹安峴岫耿賈摧機槍

齊賢曰六國秦楚韓魏燕趙高祖滅秦誅項光武夷王莽勦羣

盜爾雅彗星爲機槍士賈曰金鏡霾六國指秦亡新亂天經指王莽莽國號新室蕭曹蕭何曹參也耿賈耿弇

賈復也

吾家有季父傑出聖代英雖無三台位不惜四豪

名激昂風雲氣終協龍虎精弱冠燕趙來賢彥多逢迎

齊賢曰季父叔父也晉天文志在天爲三台在人爲三

公戰國策四豪齊孟嘗君田文魏信陵君無忌趙平原

君勝楚春申君黃歇

魯連善談笑季布折公卿遙知禮

禮記二十曰弱冠

數絕常恐不合并惕想結宵夢素心久已冥顧慙青雲

器謬奉玉樽傾山陽五百年綠竹忽再榮高歌振林木

大笑喧雷霆落筆灑篆文崩雲使人驚吐辭又炳煥五

色羅華星秀句滿江國高才挾天庭

齊賢曰漢書季布楚人爲任俠有名

孝惠時匈奴爲書樓呂后后怒召諸將議之樊噲曰臣願得十萬衆橫行匈奴中諸將阿太后以噲爲然布曰噲可斬也太后罷朝

遂不復議擊匈奴宰邑艱難時浮雲空古城居人若

薙草掃地無纖莖惠澤及飛走農夫盡歸耕廣漢水萬

里長流玉琴聲雅頌播吳越還如太階平小子別金陵

來時白下亭羣鳳憐客鳥差池相愛鳴各拔五色毛意

重太山輕贈微所費廣斗水澆長鯨

齊賢曰晉天文志三台爲天階太一

躡以上下一曰泰階白下在上元縣北

彈劒歌苦寒嚴風起前楹月銜天

門曉霜落牛渚清長嘆即歸路臨川空屏營

書懷贈南陵常贊府

歲星入漢年方朔見明主調笑當時人中天謝雲雨一去麒麟閣遂將朝市乖故交不過門秋草日上階當時

何特達獨與我心諧

齊賢曰鹿陵縣在宣州西東方朔未死時謂同舍郎曰天下人無由

知朔知朔者陸太伍公耳亡後武帝得此語召太伍公問之答以不知曰公何所能曰頗善星歷帝問諸星皆

具在否曰諸星俱在獨不見歲星十八年今復見耳帝
仰天嘆曰東方朔生在朕旁十八年而不知是歲星慘
然不置酒凌鼓臺歡娛未曾歇歌動白紵山舞迴天門
樂

月問我心中事爲君前致辭君看我才能何似魯仲尼

大聖猶不遇小儒安足悲

齊賢曰凌鼓臺隸唐宣州本朝練太平州之姑熟白紵亭

宋武帝與臺臣會於此有白紵之歌士賢曰向曰孔子歷說天下七十君竟不一遇雲南五月中

頻喪渡瀘師毒草殺漢馬張兵奪秦旗至今西二河流

血擁僵屍將無七擒畧魯女惜園葵

齊賢曰孔明出師表五月渡瀘深入

不毛亮至南中募生致孟獲縱使更戰七縱七擒而亮猶遣獲獲止不去曰公天威也南人不復反矣古歌辭

曰採葵莫傷根結交莫羞貧公儀休為魯相食茹而美
拔其園葵而棄士贊曰按此詩魯女惜園葵是用事非
泛引事也列女傳曰漆室女者魯漆室邑之女也過時
未適人當穆公時君老太子幼女倚柱而嘯其鄰人婦
從之遊謂曰何嘯之悲也子欲嫁耶漆室女曰嗟乎吾
豈為不嫁而悲哉吾憂魯君老太子幼鄰婦笑曰此乃
魯大夫之憂婦人何與焉漆室女曰不然昔晉客舍吾
家繫馬園中馬逸馱走踐吾葵使我終歲不食葵鄰人
女奔隨人亡其家倩吾兄行追之逢霖水出溺流而死
今吾終身無兄吾聞河潤九里漸如三百步猶且不勞
今魯君老悖太子少愚奸偽日起夫魯國有患者君臣
父子皆被其辱禍及眾庶婦人獨安所避乎吾甚憂之
子乃曰婦人無與者何哉鄰婦謝曰子之所慮非妾所
及三年魯果亂齊楚攻之魯連有寇男子戰鬪婦人轉
輸不得休息君子曰達矣漆室女之思也詩云知
我者謂我心憂不知我者謂我何求此之謂也

咸陽

天下樞累歲人不足雖有數斗玉不如一盤粟賴得契
宰衡持鈞慰風俗自顧無所用辭家方未歸霜驚壯士
髮淚滿逐臣衣以此不安席蹉跎身世違終當滅衛謗
不受魯人譏

贈汪倫

李白乘舟將欲行忽聞岸上踏歌聲桃花潭水深千尺
不及汪倫送我情

齊賢曰白遊涇縣桃花潭村人汪倫常醞美酒以待白倫之裔孫至今寶

詩其

李太白集分類補註卷十二

李太白集分類補註卷十三

宋楊齊賢集註

元蕭士贇補註

寄

安陸白兆山桃花嶺寄劉侍御綰

安陸一作春
歸桃花嶺貽

許侍御

雲卧三十年好閒復愛仙蓬壺雖冥絕鸞鶴心悠然歸

來桃花品得憇雲窓眠對嶺人共語飲潭猿相連時昇
翠微上邈若羅浮巔兩岑抱東壑一嶂橫西天樹雜日
易隱崖傾月難圓芳草換野色飛蘿搖春煙入遠構石
室選幽開山田獨此林下意杳無區中緣永辭霜臺客
千載方來旋齊賢曰桃花品在安陸爾雅山未及上曰
翠微疏曰未及頂上在傍坡陀處名翠微

一云上氣青
縹色曰翠微

淮南卧病書懷寄蜀中趙徵君璡

淮南

吳會一浮雲飄如遠行客功業莫從就歲光屢奔迫良

圖俄棄捐衰疾乃綿劇古琴藏虛匣長綬挂空壁楚冠
懷鍾儀越吟比莊舄國門遙天外鄉路遠山隔朝憶相
如臺夜夢子雲宅旅情初結緝秋氣方寂歷風入松下
清露出草間白故人不可見幽夢誰與適寄書西飛鴻
贈爾慰離析齊賢曰左傳晉侯見鍾儀問之曰南冠而
縶者誰也對曰鄭人所獻楚囚也使稅之
陳軫傳越人莊舄仕楚執珪有頃而病王使人
聽之猶尚越聲相如琴臺在成都浣溪海安寺

寄弄月溪吳山人

嘗聞龐德公家住洞湖水終身棲鹿門不入襄陽市夫

君弄明月滅景清淮裏高蹤邈難追可與古人比清揚

杳莫覩白雲空望美待我辭人間攜手訪松子

齊賢曰後漢逸

民傳龐公南郡襄陽人居峴山之南未嘗入城府劉表數延請不能屈後攜妻子登鹿門山因採藥不反襄陽記鹿門山舊名蕪嶺山建武中習郁立神祠於山刻二石鹿夾神道口俗呼鹿門廟因以名山

秋山寄衛尉張卿及王徵君

會稽

何以折相贈白花青桂枝月華若夜雪見此令人思雖
然剡溪興不異山陰時明發懷二子空吟招隱詩

齊賢曰郭

璞曰桂白花常生
山峯冬夏常青

望終南山寄紫閣隱者

長安

出門見南山引領意無限
秀色難爲名蒼翠日在眼
有時白雲起天際自舒卷
心中與之然託興每不淺
何當造幽人滅跡棲絕巘

山峯

夕霽杜陵登樓寄韋繇

浮陽滅霽景萬物生秋容
登樓送遠目伏檻觀羣峯
原野曠超緬關河紛錯重
清暉映竹日翠色明雲松
蹈海寄遐想還山迷舊蹤
徒然迫晚暮未果諧心胃
結桂空

佇立折麻恨莫從思君達永夜長樂聞疎鐘

齊賢曰漢五年治長

樂宮

秋夜宿龍門香山寺奉寄王方城十七丈奉國

瑩上人從弟幼成令問

洛陽

朝發汝海東暮棲龍門中水寒夕波急水落秋山空望
極九霄迴賞幽萬壑通目皓沙上月心清松下風玉斗
橫網戶銀河耿花宮興在趣方逸歡餘情未終鳳駕憶
王子虎溪懷遠公桂枝坐銷歇棣華不復同流恨寄伊

水盈盈焉可窮

齊賢曰水經汝水出河南梁縣河南縣有龍門山

春日獨坐寄鄭明府

驚麥青青遊子悲河堤弱柳鬱金枝長條一拂春風去
盡日飄揚無定時我在河南別離久那堪坐此對牕牖
情人道來竟不來何人共醉新豐酒

齊賢曰鬱金似薑黃言柳枝似鬱金

之黃耳新
豐事見前

寄淮南友人

紅顏悲舊國青歲歇芳洲不待金門詔空持寶劍遊海

雲迷驛道江月隱鄉樓復作淮南客因逢桂樹留

齊賢曰青

歲猶言青春也

沙丘城下寄杜甫

齊魯

我來竟何事高卧沙丘城城邊有古樹日夕連秋聲魯酒不可醉齊歌空復情思君若汶水浩蕩寄南征

齊賢曰趙

沙丘宮在鉅鹿此沙丘在魯汶水在魯汝陽縣

聞丹丘子於城北營石門幽居中有高鳳遺跡
僕離羣遠懷亦有棲遁之志因叙舊以寄之

春華滄江月秋色碧海雲離居盈寒暑對此長思君思
君楚水南望君淮山北夢魂雖飛來會面不可得疇昔
在嵩陽同衾卧羲皇綠蘿笑簪紱丹壑羨巖廊晚途各
分析乘興任所適僕在鴈門關君爲峨眉客心懸萬里
外影滯兩鄉隔長劒復歸來相逢洛陽陌陌上何喧喧
都令心意煩迷津覺路失託勢隨風翻以茲謝朝列長
嘯歸故園

齊賢曰鴈門關
峨眉山並見前

故園恣閒逸求古散縹帙久

欲入名山婚娶殊未畢人生信多故世事豈惟一念此

憂如焚悵然若有失聞君卧石門宿昔契彌敦方從桂
樹隱不羨桃花源高鳳起遐曠幽人跡復存松風清瑤
瑟溪月湛芳樽安居偶佳賞丹心期此論齊賢曰高士
傳尚長字子
平隱不仕爲子嫁娶畢敕家事斷之勿
復相闕毛詩憂心如焚幽人高鳳也

淮陰書懷寄王宗城

再至淮南一
作王宋城

沙墩至梁苑二十五長亭大舶夾雙櫓中流鵝鸛鳴雲
天掃空碧川岳涵餘清飛鳬從西來適與佳興并眷言
王喬舄婉孌故人情齊賢曰沙苑縣在同州南梁苑事
見前呂居仁語錄太白詩如沙墩

至梁苑二十五長亭之類皆氣
蓋一世熱味之自不偏淺矣

復此親懿會而增交道

榮沿洄且不定飄忽悵徂征
暝投淮陰宿欣得漂母迎
斗酒熟黃雞一餐感素誠
予爲楚壯士不是魯諸生有

德必報之千金恥爲輕
緬書羈孤意遠寄棹歌聲

齊賢曰韓

信爲楚王召所從食漂母賜千金召
辱已少年以爲中尉曰此壯士也

聞王昌齡左遷龍標遙有此寄

楊花落盡子規啼
聞道龍標過五溪
我寄愁心與明月

隨風直到夜郎西

齊賢曰唐叙州本沅州有龍標縣武陵有五溪曰雄溪楠溪酉溪瀘溪辰

溪皆樂瓠子孫
夜郎縣隸涪州

寄王屋山人孟大融

我昔東海上勞山餐紫霞親見安期公食棗大如瓜中
年謁漢主不愜還歸家朱顏謝春輝白髮見生涯所期
就金液飛步風雲車願隨夫子天壇上閒與仙人掃落

花

齊賢曰金液丹法見前天壇在
王屋山張仙人之居在其南

憶舊遊寄譙郡元參軍

金陵

憶昔洛陽董糟丘爲余天津橋南造酒樓黃金白壁買

歌笑一醉累月輕王侯海內賢豪青雲客就中與君心
莫逆迴山轉海不作難傾情倒意無所惜我向淮南攀
桂枝君留洛北愁夢思不忍別還相隨相隨迢迢訪仙
城三十六曲水迴紫一溪初入千花明萬壑度盡松風
聲齊賢曰古詩云一笑雙白壁再顧千黃金銀鞍金絡倒平地漢東太守來
相迎紫陽之真人邀我吹玉笙餐霞樓上動仙樂嘈然
宛似鸞鳳鳴袖長管催欲輕舉漢中太守醉起舞手持
錦袍覆我身我醉橫眠枕其股當筵意氣凌九霄星離

雨散不終朝分飛楚關山水遙余既還山尋故巢君亦

歸家渡渭橋

齊賢曰唐隋州漢東郡周若內傳曰紫陽真人周義山字季通沙陰人漢丞相勃七

世孫常以旦日出面東嗽口服氣隋州紫陽先生有食霞樓太白冬夜於食霞樓送煙子元演隱仙城山序曰入神農之故鄉得胡公之精術胡公身揭日月心飛蓬萊起食霞之孤樓鍊吸景之精氣延我數子高談混元金書王訣盡在此矣白乃語及形勝紫陽因大誇仙城元侯聞之乘興將往樂書有玉磬玉鼓玉蕭玉笛當亦有玉笙也荊州記其北有四關魯陽伊闕之屬也君家嚴君勇貌虎作尹并州

過戎虜五月相呼度太行摧輪不道羊腸苦行來北涼

歲月深感君貴義輕黃金瓊杯綺食青玉案使我醉飽

無歸心時時出向城西曲晉祠流水如碧玉浮舟弄水

簫鼓鳴微波龍鱗莎草綠

齊賢曰唐并州太原郡開元十一年升太原府太行山在

懷州河內縣呂氏春秋曰太行羊腸其山盤紆如羊腸楚漢春秋淮陰侯曰臣去項歸漢漢王賜臣玉案之食

晉祠即臺駘祠也

興來攜妓恣經過其若楊花似雪何紅粧欲

醉宜斜日百尺清潭寫翠娥翠娥嬋娟初月輝美人更

唱舞羅衣清風吹歌入空去歌曲自繞行雲飛此時行

樂難再遇西遊因獻長楊賦北闕青雲不可期東山白

首還歸去

齊賢曰列子薛談學詎於秦青辭歸餞於郊衢撫節悲歌聲振林木響遏行雲揚雄從上

至長楊射熊館還上長楊賦以諷士賢曰漢高帝紀蕭河治未央宮立東闕北闕師古曰未央殿雖南嚮而上書奏事謁見之徒皆謁北闕公車司馬亦在北馬是則以北闕爲正門 渭橋南頭一遇君

鄼臺之北又離羣問余別恨知多少落花春暮爭紛紛言亦不可盡情亦不可極呼兒長跪緘此辭寄君千里

遙相憶

齊賢曰高陵縣在京兆府東北七十里渭橋鎮鄼唐亳州樵郡鄼縣也又漢南陽郡鄼縣蕭

何所封

月夜江行寄崔員外宗之

飄飄江風起蕭颯海樹秋登艫美清夜挂席移輕舟月

隨碧山轉水合青天流杳如星河上但覺雲林幽歸路
方浩浩徂川去悠悠徒悲蕙草歇復聽菱歌愁岸曲迷
後浦沙明瞰前洲懷君不可見望遠增離憂

齊賢曰江賦舳艫相

屬註舳舫
尾艫船頭

宿白鷺洲寄楊江寧

朝別朱雀門暮棲白鷺洲波光搖海月星影入城樓望
美金陵宰如思瓊樹憂徒令魂入夢翻覺夜成秋綠水
解人意爲余西北流因聲玉琴裏蕩漾寄君愁

齊賢曰朱雀門

建康南門又有朱雀橋賞心亭舊名二水亭其前曰白鷺亭在水西門城上史正志碑云秦淮源句容溧水兩山間自方山合流至建康貫城中而西以達于江秦淮於府之左分爲二支一支入城一支繞城外共夾一洲曰白鷺即太白所謂二水中分白鷺洲者也續齊諧記王彥伯善琴至吳郵亭維舟中渚秉燭理琴見一女坐於東床取琴調之乃楚光明曲遲明女取錦綉贈別彥伯以玉琴答之而去

新林浦阻風寄友人

一云金陵阻風雪書懷寄楊江寧齊賢曰謝玄暉有

云宣城出新林浦向板橋浦鄒善長水經三山入湘浦又北經新林浦水上南北結浮橋渡水故曰板橋浦

潮水定可信天風難與期清晨西北轉薄暮東南吹以

此難挂席佳期益相思

齊賢曰浙江潮候時刻皆不差見前

海月破圓影

孤蔣生綠池昨日北湖梅開花已滿枝今朝白門柳夾

道垂青絲

士贇曰說文雕茝一名蔣或作菰爾雅翼菰首者菰蔣三年以上心中生孔如藕至秋如

小兒臂可蒸食其有黑點者名烏髯即今茭也

歲物忽如此我來定幾時紛紛

江上雪草草客中悲明發新林浦空吟謝朓詩

齊賢曰謝玄暉

之宣城出新林浦詩云天際識歸舟雲中辨江樹

寄韋南陵冰余江上乘興訪之遇尋顏尚書笑

有此贈

南船正東風北船來自緩江上相逢借問君語笑未了
風吹斷聞君攜妓訪情人應爲尚書不顧身堂上三千珠
履客甕中百斛金陵春恨我阻此樂淹留楚江濱月色
醉遠客山花開欲然春風狂殺人一日劇三年乘興嫌
太遲焚却子猷船夢見五柳枝已堪挂馬鞭何日到彭
澤長歌陶令前

齊賢曰尚書顧尚
書金陵春酒也

題情深樹寄象公

腸斷枝上猿淚添山下樽白虎見我去亦爲我飛翻

齊賢

曰猿斷腸
事見前卷

北山獨酌寄韋六

巢父將許由未聞買山隱道存跡自高何憚去人近

賢齊

曰世說支遁就深公買仰山
深公曰未聞巢父買山而隱紛吾下茲嶺地閒喧亦泯

門橫羣岫開水鑿衆泉引屏高而在雲竇深莫能準川

光晝昏凝林氣夕淒緊於焉摘朱果兼得養玄牝坐月

觀寶書拂霜弄瑤軫傾壺事幽酌顧影還獨盡念君風

塵游傲爾令自哂

士贇曰朱果者火棗之異名也老子
道德經曰谷神不死是謂玄牝玄牝

之門是謂天地根註曰不死之神在於玄牝玄天也於人爲鼻牝地也於人爲口口鼻之門乃通天地之元氣所從往來

寄當塗趙少府炎

晚登高樓望水落雙江清寒山饒積翠秀色連州城目送楚雲盡心悲胡鴈聲相思不可見迴首故人情

寄東魯二稚子

在金陵作

吳地桑葉綠吳蠶已三眠我家寄東魯誰種龜陰田春事已不及江行復茫然南風吹歸心飛墮酒樓前

齊賢曰荀

卿賦篇曰三俯三起事乃大已夫是謂之蠶理註俯爲
卧而不食乃三眠也左傳齊人來歸鄆龜陰田春事
謂蠶農也廣記曰太白於任樓東一株桃枝葉拂青煙
城縣造酒樓其居在酒樓前
此樹我所種別來向三年桃今與樓齊我行尚未旋嬌
女字平陽折花倚桃邊折花不見我淚下如流泉小兒
名伯禽與姊亦齊肩雙行桃樹下撫背復誰憐念此失
次第肝腸日憂煎裂素寫遠意因之汶陽川齊賢曰白
於任城造
酒樓日與同志荒宴其上少有醒者
時邑人以白重名望其里而加敬

獨酌清溪江石上寄權昭夷

秋浦

我攜一樽酒獨上江祖石自從天地開更長幾千尺舉
杯向天笑天迴日西照永賴坐此石長垂嚴陵釣寄謝

山中人可與爾同調

齊賢曰池
州治秋浦

禪房懷友人岑倫時南遊羅浮兼泛桂海自春

徂秋不返僕旅江外書情寄之

尋陽

嬋娟羅浮月搖艷桂水雲美人竟獨往而我安能羣一
朝語笑隔萬里懽情分沈吟綵霞沒夢寐瓊芳歇歸鴻
渡三湘遊子在百粵邊塵染衣綳白日彫華髮

齊賢曰
漢地理

志臣瓚注自交趾至會稽七春風變楚關秋聲落吳山
八千里百粵雜處各有種姓

草木結悲緒風沙淒苦顏竭來已永久顏思如循環飄

飄限江裔想像空留滯離憂每醉心別淚徒盈袂坐愁

青天末出望黃雲蔽齊賢曰淮南子曰黃泉之埃上爲黃雲目極何悠悠

梅花南嶺頭空長滅征鳥水闊無還舟寶劍終難託金囊

非易求歸來儻有問桂樹山之幽齊賢曰楚辭云桂樹叢生兮山之幽

李太白集分類補註卷十三

李太白集分類補註卷十四

宋 楊齊賢 集註

元 蕭士贇 補註

寄

廬山謠寄盧侍御虛舟

我本楚狂人鳳歌笑孔丘手持綠玉杖朝別黃鶴樓五

嶽尋仙不辭遠一生好入名山遊

齊賢曰論語楚狂接與歌而過孔子曰鳳

芳鳳兮何德之哀漢制年七十者授以玉杖杖端以鳩為飾士贊曰論語正義曰接輿楚人姓陸名通字接輿佯狂不仕時人謂之楚狂也

廬山秀出南斗傍屏風九疊雲錦張影

落明湖青黛光金闕前開二峯帳銀河倒挂三石梁香

爐瀑布遙相望迴崖沓嶂凌蒼蒼翠影紅霞映朝日鳥

飛不到吳天長

齊賢曰江州廬山以匡裕隱此而名高一千三百六十五丈周回二百五十里其

山九疊川亦九派述異記吳猛將弟子登廬山過石梁見一老坐桂樹下以玉杯承甘露與猛廬山記南北有瀑布無慮十餘處香爐峯與雙劍峯在瀑布之傍水源在山頂或曰西為康王谷水簾東為開元禪院之瀑布登高壯觀天地間大江茫茫去不還黃雲萬里動風色

白波九道流雪山好為廬山謠興因廬山發閒窺石鏡

清我心謝公行處蒼苔沒

齊賢曰潯陽記石鏡山東有一圓石懸崖明淨照見人形

謝公謝靈運也入彭蠡湖口詩曰攀崖照石鏡牽葉入松門

早服還丹無世情琴心

三疊道初成遙見仙人綵雲裏手把芙蓉朝玉京先期

汗漫九垓上願接盧敖遊太清

齊賢曰黃庭內景經三疊琴心化胎仙淮南子

若士謂盧敖曰吾與汗漫期於九垓之外又太清之治也和順以寂寞

下尋陽城汎彭蠡寄黃判官

浪動灌嬰井尋陽江上風開帆入天鏡直向彭湖東落

景轉疎雨晴雲散遠空名山發佳興清賞亦何窮石鏡

挂遙月香爐滅彩虹相思俱對此舉目與君同

齊賢曰
寰宇記

漢高六年灌嬰開井年深湮塞孫權經此自標此地命
工鑿之正得此井有石銘曰潁陰侯開不滿三百年當
為應運者所開權以為己瑞江有風浪此水輒
自漂動土人呼為浪井今在城內彭湖即彭蠡

書情寄從弟邠州長史昭

自笑客行久我行定幾時綠楊已可折攀取最長枝
翩弄春色延佇寄相思誰言貴此物意願重瓊蕤昨夢
見惠連朝吟謝公詩東風引碧草不覺生華池臨翫忽

云夕杜鵑夜鳴悲懷君芳歲歇庭樹落紅滋

齊賢曰古詩庭中有

奇樹綠葉發華滋攀條折其榮將以遺所思謝靈運夢惠連事見前卷

寄王漢陽

南湖秋月白王宰夜相邀錦帳郎官醉羅衣舞女嬌
笛聲喧沔鄂歌曲上雲霄別後空愁我相思一水遙

齊賢曰漢

儀郎官給錦帳綉被隋大業中改沔口為沔州

春日歸山寄孟浩然

朱紱遺塵境青山謁梵筵金繩開覺路寶筏度迷川
嶺

樹攢飛拱品花覆谷泉塔形標海日樓勢出江煙香氣
三天下鐘聲萬壑連荷秋珠已滿松密蓋初圓鳥聚疑
聞法龍參若護禪愧非流水韻叨入伯牙絃齊賢曰法華經云黃金為繩以界入道列子曰伯牙鼓琴志在流水鍾子期曰善哉洋洋乎若江河士贇曰方言蕤謂之筏編竹木浮河以運物南土名蕤北土名筏博經六祖得衣鉢五祖送六祖上船云只合吾度汝六祖答云迷時師度悟了自度道經三天者清微天禹餘天太赤天也

流夜郎永華寺寄潯陽羣官郎

流夜郎

朝別凌煙樓暝投永華寺賢豪滿行舟賓散子獨醉願

結九江流添成萬行淚寫意寄廬嶽何當來此地天命

有所懸安得苦愁思

齊賢曰太宗貞觀十七年二月圖功臣於凌煙閣唐江州潯陽郡本

九江

郡

流夜郎至西塞驛寄裴隱

上峽

揚帆借天風水驛苦不緩平明及西塞已先投沙伴迴

纒引羣峰橫蹙楚山斷

齊賢曰西塞山在鄂州

砮

被水切

衝萬壑會

震沓百川滿龍怪潛溟波候時救炎旱我行望雷雨安

得沾枯散鳥去天路長人愁春光短空將澤畔吟寄爾

江南管

齊賢曰砮水
激石之聲

自漢陽病酒歸寄王明府

回江夏

去歲左遷夜郎道琉璃硯水長枯槁
今歲勅放巫山陽蛟龍筆翰生輝光
聖主還聽子虛賦相如却與論文章
願掃鸚鵡洲與君醉百場嘯起白雲飛
七澤歌吟淥水動三湘莫惜連船沽美酒
千金一擲買春芳

齊賢曰師古曰降秩

為左遷巫山縣在夔東鸚鵡洲七澤淥水曲三湘並見前

望漢陽柳色寄王宰

漢陽江上柳望客引東枝樹樹花如雪紛紛亂若絲春

風傳我意草木度前知寄謝弦歌宰西來定未遲

士贊曰師

古曰紛紛雜亂也

江夏寄漢陽輔錄事

誰道此水廣狹如一匹練江夏黃鶴樓青山漢陽縣大
語猶可聞故人難可見君草陳琳檄我書魯連箭報國
有壯心龍顏不迴春

齊賢曰唐郢州江夏郡治江夏縣黃鶴樓在郡城之東南與漢陽縣

大別山相望止隔一水陳琳為袁紹檄豫州又為曹操檄魯連書箭見二卷註

西飛精衛鳥東

海何由填鼓角徒悲鳴樓船習征戰抽劒步霜月夜行
空庭徧長呼結浮雲埋沒顧榮扇他日觀軍容投壺接
高宴齊賢曰精衛填海事見前晉廣陵相陳敏反以顧榮為丹陽內史榮潛謀攻敏敏不獲濟榮以羽扇麾之其衆潰散唐有觀軍容使東漢書祭遵為將軍對酒設樂必雅歌投壺

早春寄王漢陽

聞道春還未相識走傍寒梅訪消息昨夜東風入武陽
陌頭楊柳黃金色碧水浩浩雲茫茫美人不來空斷腸
預拂青山一片石與君連日醉壺觴

江上寄巴東故人

漢水波浪遠巫山雲雨飛東風吹客夢西落此中時覺
後思白帝佳人與我違瞿塘饒賈客音信莫令稀

齊賢曰白

帝城在舊夔州瞿塘
閣山上下瞰滯瀕堆

江上寄元六林宗

霜落江始寒楓葉綠未脫客行悲清秋永路苦不達滄
波眇川汜

音似

白日隱天末停棹依林巖驚猿相叫聒夜

分河漢轉起視溟漲闊涼風何蕭蕭流水鳴活活浦沙

淨如洗海月明可掇蘭交空懷思瓊樹詎解渴勗哉滄
洲心歲晚庶不奪幽賞頗自得興遠與誰豁

寄從弟宣州長史昭

爾佐宣州郡守官清且閒常誇雲月好邀我敬亭山五
落洞庭葉三江遊未還相思不可見歎息損朱顏

齊賢曰唐

百官志上州刺史一人從三品別駕一人從四品下長史二人從五品則長史州佐也敬亭山及三江並見前

涇溪東亭寄鄭少府諤

宣城

我遊東亭不見君沙上行將白鷺羣白鷺行時散飛去

又如雪點青山雲欲往涇溪不辭遠龍門蹙波虎轉眼

杜鵑花開春已闌歸向陵陽釣魚晚

齊賢曰東亭在宣州郡國圖云涇縣

在宣州西一百五里潤州鶴林寺杜鵑花高丈餘貞元中有僧自天台移種之九域志宣州有陵陽山乃仙人陵陽竇子明釣得白龍放之之地

宣州九日聞崔四侍御與宇文太守遊敬亭余

時登響山不同此賞醉後寄崔侍御二首

九日茱萸熟插鬢傷早白登高望山海滿目悲古昔遠

訪投沙人因為逃名客故交竟誰在獨有崔亭伯

齊賢曰風

土記云俗於九月九日折茱萸房以挿頭言辟邪惡續齊諧記桓景隨費長房行數年長房忽謂曰九月九日汝家當有大災可速去令家人作絳囊盛茱萸繫臂登高以飲菊花酒此禍可消景如其言舉家登高夕還見牛羊雞犬皆暴死崔駰字季伯涿郡安平人為賓憲主簿憲不能容出為長岑長駰自以遠去不得意遂不之歸官而重陽不相知載酒任所適手持一枝菊調笑二千

石日暮岸幘歸傳呼隘阡陌彤襜雙白鹿賓從何輝赫

夫子在其間遂成雲霄隔

齊賢曰漢太守秩二千石

良辰與美景兩

地方虛擲晚從南峯歸蘿月下水壁却登郡樓望松色

寒轉碧咫尺不可親棄我如遺鷁

齊賢曰謝靈運曰良辰美景賞心樂事四

者難
并

其二

九卿天上落五馬道傍來列戟朱門曉褰帷碧帳開登
高望遠海召客得英才紫綬歡情洽黃花逸興催山從

圖上見溪即鏡中迴遙羨重陽作應過戲馬臺

齊賢曰賈琮為冀州

刺史之部升車曰刺史當遠視廣覽何反垂帷裳以自掩命御者褰之劉裕在彭城九月九日登項羽戲馬臺至今相承以為故事士贇曰隋書志三品以上門皆列戟

寄崔侍御

宛溪霜夜聽猿愁去國長如不繫舟獨憐一鴈飛南海

却羨雙溪解北流

齊賢曰宣州南陵縣有宛陵監即宛溪

高人屢解陳蕃榻

過客難登謝朓樓此處別離同落葉朝朝分散敬亭秋

齊賢曰陳蕃為豫章守不接賓客

唯徐孺來特設一榻去則懸之

涇溪南藍山下有落星潭可以卜築余泊舟石

上寄何判官昌浩

藍岑聳天壁突兀如鯨額奔感橫澄潭勢吞落星石沙
帶秋月明水搖寒山碧佳境宜緩棹清輝能畱客恨君

阻歡遊使我自驚惕所期俱卜築結茅鍊金液

齊賢曰
藍岑錄

涇縣去宣州

西一百里

早過漆林渡寄萬巨

西經大藍山南來漆林渡水色倒空青
林煙橫積素漏流昔吞翕沓浪競奔注
潭落天上星龍開水中霧嶢巖注公柵
突兀陳焦墓嶺峭紛上千川明屢回顧
因思萬夫子解渴同瓊樹何日覩清光
相歡詠佳句

齊賢曰大
藍山即前

藍岑也李陵詩思得瓊樹枝以解長
飢渴士贇曰毛詩箋曰回首曰顧

遊敬亭寄崔侍御

一本作登古城望
府中寄崔侍御

我家敬亭下，輒繼謝公作。相去數百年，風期宛如昨。登

高素秋月，下望青山郭。俯視鴛鴦羣，飲啄自鳴躍。

齊賢曰：謝

玄暉敬亭山詩云：茲山亘萬里，合沓與雲齊。隱淪既已託，靈異俱然棲。上干蔽白日，下屬帶迴溪。

夫子

雖蹭蹬瑤臺雪中鶴，獨立窺浮雲。其心在寥廓，時來顧

我笑。一飯葵與藿，世路如秋風。相逢盡蕭索，腰間玉巨

劍。意許無遺諾，壯士不可輕相期。在雲閣

齊賢曰：蹭蹬失勢之貌。寥

深也。廓空也。本草：兔葵美食，即苜蓿也。

三山望金陵寄殷淑

三山懷謝朓水澹望長安
蕪沒河陽縣秋江正此看盧

龍霜氣冷鳩鵲月光寒
耿耿憶瓊樹天涯寄一歡

齊賢曰丹

陽記江寧北十二里濱江有三山相接即名三山謝玄暉晚登三山還望京邑唐平州北平郡治盧龍縣鳩鵲觀在雲陽甘泉宮外

自金陵泝流過白壁山翫月達天門寄句容王

主簿

滄江泝流歸白壁見秋月秋月照白壁皓如山陰雪幽

人停宵征賈客忘早發進帆天門山回首牛渚沒川長
信風來日出宿霧歇故人在咫尺新賞成胡越寄君書
蘭花惠好庶不絕

齊賢曰郡國志天門亦曰峨嵋山與地志博望梁山東西隔江相對如門

寄上吳王三首

淮王愛八公攜手綠雲中小子忝枝葉亦攀丹桂叢謬
以詞賦重而將枚馬同何日背淮水東之觀士風

齊賢曰淮

南八公及梁枚馬事並見前太白興聖
皇帝九世孫與唐同出故云忝枝葉

其二

坐嘯廬江靜閒聞進玉觴去時無一物東壁掛胡牀

齊賢

曰廬州廬江郡魏裴潛為兗州時嘗作一胡床及其去也留以挂柱

其二

英明廬江守聲譽廣平籍洒掃黃金臺招邀青雲客客

曾與天通出入清禁中襄王憐宋玉願入蘭臺宮

齊賢曰謝

朏詩廣平聽方籍註郭表為中郎會廣平太守缺宣帝謂表曰賢叔垂稱於平陽故復相屈黃金臺事見前

李太白集分類補註卷十四

李太白集分類補註卷十五

宋 楊齊賢 集註

元 蕭士贇 補註

留別

秋日魯郡堯祠亭上宴別杜補闕范侍御

魯中

我覺秋興逸誰云秋興悲
山將落日去水與晴空宜
魯酒白玉壺送行駐金羈
歌鞍憩古木解帶挂橫枝
歌鼓

川上亭曲度神飈吹

一本無此兩句却添南歌憶郢客東轉見齊姬清波忽淡蕩白雪紛

逶迤一隅范杜遊此數各棄遺三韻

雲歸碧海夕鴈沒青天時相失各萬

里茫然空爾思

齊賢曰十洲記碧海在東海中

別魯公

誰道泰山高下却魯連節誰云秦軍衆推却魯連舌獨立天地間清風灑蘭雪夫子還倜儻攻文繼前列錯落石上松無為秋霜折贈言鏤寶刀千歲庶不滅

士贇曰魯仲連

事見前卷

別中都明府兄

吾兄詩酒繼陶君試宰中都天下聞東樓喜奉連枝會
南陌愁為落葉分城隅綠水明秋日海上青山隔暮雲
取醉不辭留夜月鴈行中斷惜離羣

齊賢曰陶君指淵明唐中都縣隸鄆

州禮記兄
之鴈行

夢遊天姥吟留別

一作別東

魯諸公

海客談瀛洲煙濤微茫信難求越人語天姥雲霓明滅
或可覩天姥連天向天橫勢拔五嶽掩赤城天台四萬

八千丈對此欲倒東南傾我欲因之夢吳越一夜飛度

鏡湖月

齊賢曰瀛洲事見前處州麗水縣有天姥山與括蒼山相連石壁上有字高不可識春月則聞

蕭鼓茄吹四蕃志天台山高
一萬八千大周圍八百里

湖月照我影送我至剡溪

謝公宿處今尚在淥水蕩漾清猿啼脚著謝公屐身登

青雲梯半壁見海日空中聞天雞

齊賢曰謝靈運移籍會稽修營舊業傍山

帶江盡幽居之美尋山陟嶺嘗着木屐士贇曰剡溪即
剡中玄中記桃都山有大樹曰桃都枝相去三千里上
有天雞日初出照此木天
雞即鳴天下雞皆隨之

千巖萬轉路不定迷花倚石

忽已暝熊咆龍吟殷巖泉慄深林兮驚層巔雲青兮

欲雨水澹澹兮生煙

齊賢曰世說顧長康從會稽還云千岩競秀萬壑爭流

列缺

霹靂丘巒崩摧洞天石扇訇然中開青冥浩蕩不見底

日月照耀金銀臺

齊賢曰唐貞觀中華陰雲臺觀法師隨長公弼行三千里援蘿攀葛至一

石壁削成高千餘仞下臨無底之谷一徑間數寸法師隨公弼側足而立公弼乃以指扣石壁中有人問曰為誰對曰某遂劃然開一門中有天地日月

法師隨公弼入因闔門則又成石壁矣霓為衣兮風

為馬雲之君兮紛紛而來下虎鼓瑟兮鸞回車仙之人

兮列如麻忽魂悸以魄動恍驚起而長嗟惟覺時之枕席

失向來之煙霞

齊賢曰說文悸心動也

世間行樂亦如此古來萬

事東流水別君去分何時還且放白鹿青崖間須行即

騎訪名山安能摧眉折腰事權貴使我不得開心顏士贇

曰衛叔卿騎白鹿事見前集仙傳西王母遣使白虎之神乘白鹿集於黃帝之庭

留別曹南羣官之江南

我昔釣白龍放龍溪水傍道成本欲去揮手凌蒼蒼時
來不關人談笑遊軒皇獻納少成事歸休辭建章齊賢曰陵

陽山賓子明釣龍得仙事見前十年罷西笑覽鏡如秋霜閉劍琉璃匣

鍊丹紫翠房身佩豁落圖腰垂虎盤囊仙人駕綵鳳志

在窮遐荒

齊賢曰桓子新論人有聞長安之樂則出門西向而笑神仙傳安期先生乘麒麟着朱衣

遠遊冠帶

玉珮及虎頭鞶囊年二十許張老與妻劉氏

赴蓬萊公騎

一鳳餘騎鶴向東而去士贇曰集仙傳西

王母所居宮闕

在廂山有城九層玄室紫翠丹房左帶瑤池右環翠水

戀子四五人徘徊

未翱翔東流送白日驟歌蘭蕙芳仙宮兩無從人間久

摧藏范蠡說勾踐屈平去懷王飄飄紫霞心流浪憶江

鄉愁為萬里別復此一銜觴

齊賢曰范蠡事勾踐滅吳報會稽之耻為書辭勾踐

乃裝其珍寶珠玉自與其私徒屬乘舟浮海以行終不反越勾踐表會稽山為蠡奉邑屈平去懷王事見前

淮水帝王州金陵繞丹陽樓臺照海色衣馬搖川光及

此北望君相思淚成行朝雲落夢渚瑤草空高唐帝子

隔洞庭青楓滿瀟湘

齊賢曰夢渚雲夢之渚通典江陵縣有楚渚宮瀟湘洞庭帝子事見

前士贊曰按秦淮水在上元縣南秦始皇時望氣者言金陵有天子氣使朱衣鑿山為瀆以斷地脉改金陵為

秣陵懷君路綿邈覽古情淒涼登岳眺百川杳然萬恨長

知巖岷省去弄景偶騎羊

齊賢曰岷省縣在喜州

留別于十一兄述裴十三遊塞垣

太公渭川水李斯上蔡門釣周獵秦安黎元小魚鮑

子

且倫兔何足言天張雲卷有時節吾徒莫嘆羝觸藩于

二切

公白首大梁野使人悵望何可論既知朱亥為壯士且
願束心秋毫裏秦趙虎爭血中原當去抱關救公子裴
生覽千古龍鸞炳天章悲吟雨雪動林木放書輟劍思
高堂勸爾一杯酒拂爾裘上霜爾為我楚舞吾為爾楚
歌且探虎穴向沙漠鳴鞭走馬凌黃河耻作易水別臨歧
淚滂沱

士贊曰太公李斯事見三卷魏狡兔易羝羊觸藩羸其角侯羸薦朱亥與無忌奪晉鄙兵事見

前卷

留別王司馬嵩

魯連賣談笑豈是顧千金陶朱雖相越本有江湖心余

亦南陽子時為梁甫吟蒼山容偃蹇白日惜顏侵

士贇曰魯

仲連陶朱公諸葛亮梁甫吟事並見前

願一佐明主功成還舊林西來何

所為孤劍託知音鳥愛碧山遠魚遊滄海深呼鷹過上

蔡賣畚

蒲器以盛種者

向嵩岑他日閒相訪丘中有素琴

齊賢曰李

斯牽黃犬出上蔡東門事見前王猛家貧賤以鬻畚為
生常貨畚於洛陽有一人貴買其畚無直可隨我取猛
從忽至深山見一父老鬚髮皓然據胡牀而坐左右十
人有一人引緣進拜父老曰王公何緣拜也乃十倍償
值遣人送出四顧乃一高山也

還山留別金門知己

好古笑流俗，素聞賢達風。方希佐明主，長揖辭成功。白日在青天，迴光矚微躬。恭承鳳凰詔，歛起雲蘿中。清切

紫霄迴優游，丹禁通君王。賜顏色，聲價凌煙虹。

齊賢曰：鳳凰詔。

已見前卷註

乘輿擁翠蓋，扈從金城東。寶馬驟絕景，錦衣入

新豐。倚巖望松雪，對酒鳴絲桐。方學揚子雲，獻賦甘泉

宮。天書美片善，清芬播無窮。歸來入咸陽，談笑皆王公。

齊賢曰：太白應制為樂章，明皇嘗賜之錦袍。新豐及子雲獻賦並見前。

一朝去金馬，飄落

成飛蓬賓友日踈散玉樽亦成空長才猶可倚不慚世上雄
閒來東武吟曲盡情未終書此謝知己扁舟尋釣

翁齊賢曰鮑照東武吟詩東武太山下小山名

夜別張五

吾多張公子別酌酣高堂聽歌舞銀燭把酒輕羅霜橫
笛弄秋月琵琶彈陌桑龍泉解錦帶為爾傾千觴齊賢曰推

手前曰琵琶引手却曰琵琶陌上桑曲名龍泉劍名

魏郡別蘇明府因北游

魏都接燕趙美女誇芙蓉淇水流碧玉舟車日奔衝青

樓夾兩岸萬室喧歌鐘天下稱豪貴遊此每相逢

齊賢曰魏

地與燕趙相接趙記曰女子盛飾冶容習絲竹長袖傾絕諸侯西京雜記卓文君臉際常若芙蓉毛詩衛淇澳言淇水之隈也齊書世祖於樓上施青漆世謂之青樓洛陽蘇季子劍戟森詞鋒

六印雖未佩軒車若飛龍黃金數百鎰白壁有幾雙散

盡空掉臂高歌賦還却落魄乃如此何人不相從遠別

隔兩河雲山杳千重何時更杯酒再得論心胷

齊賢曰史記蘇

秦洛陽人字季子去游燕說燕文侯曰與趙從親於是資秦車馬金帛以行說趙趙肅侯乃飾車百乘黃金百

鎰白璧百雙錦綉千純以約諸侯於是說韓宣惠王魏襄
王齊宣王楚威王於是六國從合而并力蘇秦為從約
長并相六國北報趙行過洛陽車騎輜重擬於王者秦
之昆弟妻嫂不敢仰視於是散千金以賜宗族朋友初
秦之燕貸百錢為資及得富貴以百金償之徧報諸嘗
見德者歸趙趙封為武安君及投從約書於秦秦兵不
敢闕函谷關十五年洛陽有邛山

留別西河劉少府

秋髮已種種所為竟無成閒傾魯壺酒笑對劉公榮謂

我是方朔人間落歲星白衣千萬乘何事去天庭

齊賢曰王

戎詣阮籍時劉公榮在坐阮謂王曰偶有二斗美酒當與
君共飲彼公榮者無預焉二人交觴酬酢公榮不得一

杯而言笑談論三人無異或問之阮曰勝公榮者不得不與飲不如公榮者不可不與飲唯公榮可不與飲武帝問太史公知東方朔是歲星事見前

君亦不得意高歌羨鴻賓世人若

醯雞安可識梅生雖為刀筆吏緬懷在赤城余亦如流

萍隨波樂休明自有兩少妾雙騎駿馬行東山春酒綠

歸隱謝浮名

齊賢曰醯雞甕中之蠅
梅福為南昌尉後得仙

潁陽別元丹丘之淮陽

河南

吾將元夫子異姓為天倫本無軒裳契素以煙霞親營
恨迫世網銘意俱未伸松柏雖寒苦羞逐桃李春悠悠

市朝間玉顏日緇磷所共重山岳所得輕埃塵

士贊曰穀梁傳

兄弟天倫也荀子曰桃李倩榮於一時秋至而後殺至於松柏經隆冬而不凋蒙霜雪而不變可謂得其真矣

精魄漸蕪穢衰老相憑因我有錦囊訣可以持君身當

餐黃金藥去為紫陽賓萬事難並立百年猶崇晨別爾

東南去悠悠多悲辛前志庶不易遠途期所遵已矣歸

去來白雲飛天津

齊賢曰紫陽真人周義山字季通汝陰人常以平旦日出東向立水日成氣

毛詩曾不崇朝箋云崇終也士贊曰晉天文志天漢從東方經尾箕之間謂之漢津乃分二道至天津下而合

南道乃西南行

至七星南而沒

留別廣陵諸公

淮南一作留別邯鄲故人

憶昔作少年結交趙與燕金羈絡駿馬錦帶橫龍泉寸
心無疑事所向非徒然晚節覺此踈獵精草太玄空名

束壯士薄俗棄高賢

士贊曰師古曰晚節末時也

中迴聖明顧揮翰

凌雲煙騎虎不敢下攀龍忽墮天還家守清真孤潔勵

秋蟬鍊丹費火石採藥窮山川卧海不關人租稅遼東

田乘興忽復起棹歌溪中船臨醉謝葛強山公欲倒鞭狂

歌自此別垂釣滄浪前

齊賢曰聖明顧太白供奉翰林時士贊曰晉王羲之去官與東

土人士盡山水之遊又與道士許邁共修服採藥石又
許邁少不慕仕進徧遊名山採藥於桐廬之恒山餌木
穀斷

廣陵贈別

金瓶沽美酒數里送君還繫馬垂楊下銜杯大道間天
邊看淶水海上見青山興罷各分袂何須別醉顏

感時留別從兄徐王延年從弟延陵

天籟何參差噫然大塊吹玄元色素篇紫氣何逶迤七
葉運皇化千齡光本支仙風生指樹大雅歌螽斯諸王

若鷹虬肅穆列藩維哲兄錫茅土聖代含榮滋九卿領

徐方七步繼陳思

齊賢曰唐至肅宗凡七葉神仙傳老子之母適至李樹下而生老子生而

能言指李樹曰以此為我姓毛詩周南序螽斯后妃子孫衆多也註螽斯蚣蝑也草木疏云幽州謂之春箕蝗類也郭璞註方言云江表呼為蚱蜢虬龍無角者鷹神鳥五采毛詩板曰价人維藩大師維垣大邦維屏大宗維翰懷德維寧宗子維城曹植封陳思王七步成詩云煮豆燃豆其豆在釜中泣本是同根生相煎何太急士贇曰玄元指老君也按唐史高宗乾封元年丙寅帝封岱岳駕至亳朝謁老君御製冊文上尊號曰玄元皇帝聖母為先天太后至宗天寶七載戊子上老君尊號曰聖祖大道玄元皇帝十三載甲午二月癸酉帝朝宴太清宮加上老君尊號曰太聖祖高上大道金闕玄元天

皇大帝列仙傳老子西遊闕令尹喜望見紫氣浮關老

子果乘青牛而過關尹由傳關令尹喜周大夫也善於天文登樓四望見東極有紫氣喜曰應有聖人過果見老子過運命論註達達行貌爾雅曰穆穆肅肅敬也書禹貢厥貢惟土五色註曰王者封五色土為社建諸侯則各割其方色土與之使立社煮以黃土伊昔金盛日雄苴以白茅茅取其潔黃取王者覆四方

豪動京師冠劍朝鳳闕樓船侍龍池鼓鐘出朱邸金翠

照丹墀君王一顧盼選色獻蛾眉列戟十八年未曾輒

遷移大臣小暗鳴謫竄天南垂長沙不足舞貝錦且成

詩齊賢曰唐室志唐元宗嘗潛龍於興慶宮及即位興慶池當有一小龍出遊宮外御溝水中奇狀蜿蜒後幸蜀

前一夕其龍自池中御青雲望西南去環列之士率共觀之及上至嘉陵江乘舟將度見一小龍翼舟而進上

謂左右曰此吾興慶池中龍也命以酒沃酹上親自祝之龍乃自水中振鬣而去史記曰諸侯朝天子於天子之所立宅舍曰邸漢宮典職曰丹漆地故稱丹墀毛詩萋兮斐兮成是貝錦士贇曰書東西垂註垂是遠方之名佐郡浙江西病閒絕驅馳階軒日苔蘚鳥雀噪簷帷時乘小肩輿出入畏人知北宅聊偃憩歡愉恤惇嫠羞言梁苑地烜赫耀旌旗兄弟八九人吳秦各分離大賢達機兆豈獨慮安危小子謝麟閣鴈行忝肩隨今弟字延陵鳳毛出天姿清英神仙骨芬馥蒞蘭庭

齊賢曰佐郡長史別

駕也梁孝王築東苑得賜天子旌旗出從千乘萬騎東西馳獵擬於天子曲禮曰五年以長則肩隨之謝靈運

子超宗有文辭帝嗟賞嘗謂謝莊曰超宗殊有鳳毛

夢得春草句將非惠連誰深

心紫河車與我特相宜金膏猶罔象玉液尚磷緇伏枕

寄賓館宛同清漳渚藥物多見饋珍羞亦兼之誰道溟

渤深猶言淺恩慈鳴蟬遊子意促織念歸期

齊賢曰夢得春草句

紫河車並見前卷

驕陽何火赫海水爍龍龜百川盡凋枯舟楫

閣中達策馬搖涼月通宵出郊圻泣別目眷眷傷心步

遲遲願言保明德王室佇清夷摻袂何所道援毫投此

辭

齊賢曰爾雅九達謂之達

別儲邕之剡中

借問剡中道東南指越鄉
舟從廣陵去水入會稽長竹

色溪下綠荷花鏡裏香
辭君向天姥拂石卧秋霜

齊賢曰唐

剡縣隸越州會稽郡揚州廣陵郡天姥山見前

留別金陵諸公

金陵

海水昔飛動三龍紛戰爭
鍾山危波瀾傾側駭奔鯨黃

旗一掃蕩割壤開吳京
六代更霸王遺跡見都城

齊賢曰鍾

山見前吳京金陵也士
贊曰三龍魏蜀吳也
至今秦淮間禮樂秀羣英地扇

鄒魯學詩騰顏謝名五月金陵西祖余白下亭欲尋廬

峰頂先遶漢水行香爐紫煙滅瀑布落太清若攀星辰

去揮手緬含清

士贇曰文中子曰江東中國之舊土衣冠禮樂之所就也永嘉之後江東貴焉

史貨殖傳鄒魯俗好儒備於禮漢鄒陽傳鄒魯士以經學顏謝顏延之謝靈運惠連玄暉宣遠詩皆入選鄭玄曰行者將行祖祫之祭也白下在上元縣西北廬峰即廬山也香爐峯在城北山南山北皆見其形圓聳常出雲氣故名

口號

食出野田美酒臨遠水傾東流若未盡應見別離情

齊賢

曰呂氏春秋曰水
泉東流日夜不休

金陵酒肆留別

風吹

一作白門

柳花滿店香吳姬壓酒勸客嘗金陵子弟來

相送欲行不行各盡觴請君試問東流水別意與之誰

短長

士贇曰學者若不見古人用意處但得其皮毛所以去之便遠如風吹柳花滿店香若人復能為此

句亦未是太白至於吳姬壓酒勸客嘗壓酒字他人亦難及金陵子弟來相送欲行不行各盡觴益不同請君試問東流水別意與之誰短長至此乃真太白妙處當潛心焉

金陵白下亭留別

驛亭三楊樹正當白下門吳煙暝長條漢水齧古根向

來送行處迴首阻笑言別後若見之為余一攀翻

齊賢曰白

下亭在今建康東門外唐武德九年更金陵縣曰白下縣白下吳之故都

別東林寺僧

東林送客處月出白猿啼笑別廬山遠何煩過虎溪

齊賢

曰東林寺在廬山之南五里許與西林寺相隣規制廣袤若一大縣水石深怪古跡無窮東林三門內有小渠名曰虎溪遠師送客未嘗過溪西林即永法師所居規制稍不及東林

竄夜郎於烏江留別宗十六璟

君家全盛日台鼎何陸離斬鼂翼媧皇鍊石補天維一

迴日月顧三入鳳凰池失勢青門傍種瓜復幾時猶會

衆賓客三千光路岐皇恩雪憤懣松柏含榮滋

齊賢曰
晉志在

天為三台在人為三公李善曰陸離參差衆貌許慎云
美好貌青門乃長安霸城門漢書邵平故秦東陵侯秦
破為布衣貧種瓜於長安城東美瓜故我非東林人令
世俗謂之東陵瓜從邵平以為名也

姊忝齊者浪跡未出世空名動京師適遭雲羅解翻謫

夜郎悲拙妻莫邪劍及此二龍隨慙君湍波苦千里遠

從之白帝曉猿斷黃牛過客遲遙瞻明月峽西去益相

思齊賢曰太白上安州裴長史書云楚有七澤遂來觀焉而許相公家見招妻以孫女便憩跡于此至移三霜則題中所謂別宗十六者疑誤也莫邪二龍劍事及白帝城明月峽見前黃牛峽隸峽州白崖間有石如人形如牛形皆黃色有黃牛廟閔其碑或云土星見形也

留別龔處士

龍子棲閑地都無人世喧柳深陶令宅竹暗辟疆園我
去黃牛峽遙愁白帝猿贈君卷菰草心斷竟何言

齊賢曰菰草詩謂

之卷耳爾雅謂之芩耳

贈別鄭判官

竄逐勿復哀
慙君問寒灰
浮雲本無意
吹落章華臺
遠

別淚空盡長
愁心已摧三
年吟澤畔
顛顛幾時迴

齊賢曰屈

原放遊江潭行吟澤畔
顏色顛顛形容枯槁

黃鶴樓送孟浩然之廣陵

江夏岳陽

故人西辭黃鶴樓
煙花三月下揚州
孤帆遠影碧空盡

唯見長江天際流

齊賢曰黃鶴樓在邠州

將遊衡岳過漢陽
雙松亭留別族弟
浮屠談皓

秦欺趙氏璧
却入邯鄲宮
本是楚家玉
還來荆山中
丹

彩瀉滄溟清輝凌白虹青蠅一相點流落此時同

齊賢曰蘭

相如全璧歸趙事見三卷邯鄲縣名屬趙國白虹天也士贇曰詩螽斯之爲虫汙白使黑汙黑使白喻佞人能變亂善惡也卓絕道門秀談玄乃支公延蘿結幽居翦竹繞

芳叢涼花拂戶牖天籟鳴虛空憶我初來時葡萄開景風今茲大火落秋葉黃梧桐水色夢沅湘長沙去何窮

寄書訪衡嶠但與南飛鴻

齊賢曰高逸沙門傳支遁居會稽晉哀帝欽其風采遣中

使至東逆支遁遂辭丘壑高步天邑風土記夏至景風至大火落七月也衡嶠衡嶽也

留別賈舍人至二首

大梁白雲起飄飄來南洲徘徊蒼梧野十見羅浮秋
蟄挾山海傾四溟揚洪流意欲託孤鳳從之摩天遊鳳苦
道路難翱翔還崑丘不肯銜我去哀鳴慙不留

齊賢曰
歸藏啓

竺曰有白雲起自蒼梧入于大梁四溟
者即四海也羅浮山及崑丘事見前

遠客謝主人明

珠難暗投拂拭倚天劍西登岳陽樓長嘯萬里風掃清

霄中真愛誰念劉越石化為繞指柔

齊賢曰鄒陽曰明月
之珠以暗投入於道

衆莫不按劍相視岳陽樓在岳陽城上正對
君山劉越石詩何意百鍊剛化為繞指柔

其二

秋風吹胡霜凋此簷下芳折芳怨歲晚離別悽以傷謬
攀青瑣賢延我於此堂君為長沙客我獨之夜郎勸此
一杯酒豈惟道路長割珠兩分贈寸心久不忘何必兒
女仁相看淚成行

齊賢曰師古曰青瑣者刻為連瑣文而青塗也士贇曰青瑣天子之門制也

渡荆門送別

荊州

渡遠荆門外來從楚國遊山隨平野盡江入大荒流月
下飛天鏡雲生結海樓仍憐故鄉水萬里送行舟

齊賢曰荊

門軍有山名荆門蜀之諸山至此不復見矣成都有萬里橋士贇曰史天官書海傍蜃氣象樓臺曠野氣成宮闕

聞李太尉大舉秦兵百萬出征東南懦夫請纓
冀申一割之用半道病還留別金陵崔侍御十

九韻

復至金陵

秦出天下兵蹴踏燕趙傾黃河飲馬竭赤羽連天明太尉仗旄鉞雲騎繞彭城三軍授號令千里肅雷霆函谷絕飛鳥武關擁連營意在斬巨鼃何論鱸長鯨

齊賢曰
關中皆

三秦之地漢百官公卿表太尉秦官應劭曰自上安下
曰尉武官悉以為稱尚書牧誓云王左仗黃鉞右秉白
旄唐徐州彭城郡治彭城縣唐書李光弼加太尉尚書
令兼侍中河南副元帥知河南淮東西山南東荆南五
道節度行營事鎮泗州帝賦詩以餞遂疾驅入徐州朝
義走寶應元年進封臨淮郡王函谷在唐陝州靈寶縣
界桃林塞武關恨無左車略多愧魯連生拂劍照嚴霜
在商州商洛縣

彫戈鬢

摸官切
長髮也

胡纓願雪會稽耻將期報恩榮半道謝

病還無因東南征亞夫未見顧劇孟阻先行天奪壯士

心長吁別吳京

齊賢曰漢書趙王陳餘聞漢且襲之聚
兵井陘口李左車說餘絕其糧道深溝

高壘勿與戰餘不聽韓信引兵出井陘口斬成安君泚
水上擒趙王歇購生得李左車者千金頃之縛至信解

其縛而師事之魯仲連
事見二卷吳京建康也

金陵遇太守倒屣相逢迎羣公

咸祖餞四座羅朝英初發臨滄觀醉棲征虜亭舊國見
秋月長江流寒聲帝車信迴轉河漢復縱橫孤鳳向西

海飛鴻辭北溟因之出寥廓揮手謝公卿

齊賢曰輿地志秣陵新亭

龍有望遠樓又名勞勞樓後改名臨滄觀丹陽
記曰征虜亭太安中征虜將軍謝安立因名

別韋少府

宣州

西出蒼龍門南登白鹿原欲尋商山皓猶戀漢皇恩水
國遠行邁仙經深討論洗心向秋月清耳敬亭猿

齊賢曰商

山四皓
見前

築室在人境閉關無世喧多君枉高駕贈我以

微言交乃意氣合道因風雅存別離有相思瑤瑟與金

樽

齊賢曰師古
曰多猶重也

南陵別兒童入京

白酒新熟山中歸黃雞啄黍秋正肥呼童烹雞酌白酒
兒女嬉笑牽人衣高歌取醉欲自慰起舞落日爭光輝
游說萬乘苦不早著鞭跨馬涉遠道會稽愚婦輕買臣
余亦辭家西入秦仰天大笑出門去我輩豈是蓬蒿人

齊賢曰朱買臣妻事見前

別山僧

涇縣

何處名僧到水西
乘舟弄月宿涇溪
平明別我上山去
手攜金策踏雲梯
騰身轉覺三天近
舉足迴看萬嶺低
謔浪肯居支遁下
風流還與遠公齊
此度別離何日見

相思一夜暝猿啼

齊賢曰涇溪隸涇縣屬宣州支遁字道林遠法師居廬山東林寺士贇曰

道書自初一氣而分二氣是為三天一氣大羅天三氣清微天禹餘天太赤天即乙清上清太清之三境也

贈別王山人歸布山

王子析道論微言破秋毫還歸布山隱興入天雲高爾
去安可遲瑤草恐衰歇我心亦懷歸屢夢松上月傲然
遂獨往長嘯開巖扉林壑久已蕪石道生薔薇願言弄
笙鶴歲晚來相依

齊賢曰山海經姑瑤之山帝女
死焉化為瑤草服之者媚於人

江夏別宋之悌

楚水清若空遙將碧海通人分千里外興在一杯中谷
鳥吟晴日江猿嘯晚風平生不下淚於此泣無窮

齊賢曰陸

羽曰楚水第一晉水第
二吳水第三是謂三泉

李太白集分類補註卷十五

謹案卷十二第四頁後七行喜賓客賓客至數千人刊本脫下賓客二字據史記平原君列傳增第五頁前六行中國名曰赤縣神州刊本名訛縣據史記孟荀列傳改

第五頁前八行光武因敕強項令出刊本脫出字據漢書酷吏傳改

第七頁前一行為我告魏王刊本我訛載王訛魏據史記范雎傳改

第七頁前三行又不出王之弟於闐刊本脫王之弟於闐五字據史記范睢傳增

第七頁前四行虞卿乃解相印刊本脫虞卿二字又欲因信陵君以走楚刊本欲訛故據史記范睢傳增改

第九頁後六行曾不如早索我于枯魚之肆刊本如訛知魚之肆訛作為有益並據莊子改

第十頁後六行久別咸陽西刊本別訛識據全唐詩改

第十一頁後一行郭璞注山海經二十三卷又撰
山海經圖贊二卷刊本注字撰字互訛今改

第十四頁前四行入臨安西山刊本山訛子又字
遠遊刊本字訛子據晉書許邁傳改

第十五頁後六行魏信陵君無忌刊本脫君字據
上下文增

第十七頁後一行公儀休為魯相刊本為訛與據
史記循吏傳改

第十八頁前三行蹉跎身世違刊本身訛因據全唐詩及繆曰芑本改

卷十三第二頁後二行待我辭人間刊本我訛號據全唐詩改

第三頁前七行翠色明雲松刊本松訛歲據文苑英華改

第六頁前八行櫛溪酉溪無溪刊本櫛訛湍無訛阮據水經沅水注及後漢書馬援傳注改

第十二頁前七行望其里而加敬刊本望訛寶今
改

第十三頁前五行梅花南嶺頭刊本脫南字據全
唐詩及繆曰芭本增

卷十四第二頁前二行謝公行處蒼苔沒別本作
綠蘿開處懸明月又照見人形刊本見人訛人
見據別本改

第二頁後三行顯陰侯開刊本顯訛淮據漢書功

臣侯表及灌嬰傳改

第六頁後七行涇溪東亭寄鄭少府諤刊本東亭
訛作都郡據全唐詩改

第七頁後三行為竇憲主簿刊本竇訛黃據後漢
書崔駰傳改

第八頁後三行過客難登謝眺樓刊本樓訛舟據
全唐詩及繆曰芑本改

第十一頁前二行及其去也留以挂柱刊本也訛

世挂柱訛若挂據三國志裴潛傳改

第十一頁前三行天涯寄一懽刊本懽訛顏據全唐
詩改

第十一頁前五行願入蘭臺宮刊本宮訛招據全
唐詩及繆曰芭本改

卷十五第三頁後一行別君去兮何時還刊本兮
訛時據繆曰芭本改

第五頁前二行秦趙虎爭血中原刊本秦訛蔡據

全唐詩改

第七頁前四行言淇水之隈也刊本淇訛漢今改
第十頁前三行毛詩周南序刊本周南訛大雅又
螽斯蚣蝑也刊本蝑訛蝑又幽州謂之蝑其刊
本蝑訛蝑據毛詩注疏改


第十二頁前三行辭君向天姥刊本君訛若據繆
曰芑本改

第十二頁後四行宣達詩皆入選刊本宣訛詩入

選訛作先達今並改

第十三頁後二行白下亭在今建康東門外刊本
此句注文訛在上首詩下今改

第十八頁前五行秣陵新亭隴有望遠樓刊本隴
訛龍今改



總校官候補中書臣吳紹潔

校對官中書臣王家賓

謄錄監生臣陳炳

謄錄監生臣胡念祖